



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Landelinvs Conf. 15. Iunij.

urn:nbn:de:hbz:466:1-42032

quàm tyrannum reddidit. In ollas porro injectus, igne ac pice timendas præ thermis suis has Diocletiano laudavit. Ad extremum ex equileo à genio tutelari ad ripas Silari asportatus, placidè inter umbras arboris animam victricem cælo transiit, puer, si annos; senex, si triumphos numeremus. *Ex Suetonio.*

Neganda sunt terrena omnia, ut melioribus abundemus, & contemptu universorum Christus sequendus est, & spiritualium Æternitas terrenorum est damno comparanda. S. Hilarius in Evang.

S. LANDELINVS CONF. 15. Iunij.

IN latrones incidisti, quisquis è bonorum sodalicio in malorum contubernium transisti. Hoc adeò LANDELINO crede. Hic è prima Gallorum nobilitate, & à puero inter literarum & pietatis studia educatus, dum aures vocanti DEO claudit, aperit avocantibus; dum amicis esse amicus ad aram studet, penè ad inferos fuit. Certè quem inter religiosorum hominum cohortes militare cognati noluerunt, inter publicos prædonum manipulos mereri viderunt. I nunc sanguis, & aspergi maculam generis splendori querere, cum in DEI servitium abeunti tui; at tu adolescentia audi, quantum custodi Angelo debeas! Diripiendis cuiusdam ædibus nox erat dicta à LANDELINO. Sed fortior mors LANDELINI familiam prior diripuit, socium subito auferendo, quem in paucis ille charum habebat. Ob id tristiori in somnis bonus genius astitit, & malum socium à peioribus genijs ad inferorum flammam abripi monstrans, *Hec, aiebat, an & nunc socius huic eris?* Enimverò non placuit jam Theseum esse, Pirithoo ad orcum abeunte.

cunte. Damnat proinde vitam pristinam, ter sup-
plex ad DD. Apostolorum ita limina, & post ex-
tructa compluria cœnobîa, & MAGNÆ MATRI
templum, post edita miracula, sub annum DC. L.
cilicio, & cineri incubans, sanctè emoritur. Vbi
tunc socij olim peccantis? crede iterum LANDE-
TINO, quisquis cum pluribus peccas, aut solus fle-
bis, aut serò flebis. *Ex Surio.*

*Melius est habere malorum odium, quàm con-
sortium: sicut bona multa habet communis vita
Sanctorum; sic plurima mala societas affert malo-
rum.* Isidor. l. 2. soliloq.

S. BENNO EPISC. 16. Junij.

BENNO ex illustri Saxonum sanguine mona-
chus, ex monacho Misnensium Pontifex, Sla-
vos sub Christi jugum egit. Captus bello Saxo-
nico ab Henrico IV. Imp. & libertati restitutus,
Romam abiit, pars magna illic Concilij futurus:
inde redux templi sui claves, quas in Albi, cum
iter ingrediaderetur, abjecerat, in pisce recepit; pedo
aquam è terrâ, precibus ex aquâ vinum dedit; sibi
per undas viam stravit: manibus Calicum non se-
mel ad suos per magna itinerum spatia compendio
est transportatus. Misnæ Marchionem, quo die
aliam ab eo acceperat, hoc eodem, anno ven-
tente, moriturum dixit, & vatem fuisse mors mi-
nimè mendax ostendit. Claruit innumeris semper
miraculis, tum præcipuè postquam Monachum
Bojorum caput translatus est. Ibi ille pugnantem
in se populi pietatem beneficijs quotidianis certat
vincere, certamine hoc etiam jucundiore, quòd
clientes vel victi triumphant. *Ex Hieron. Emsero.*

*Cogita peregrinationis tue miseriam, cogita vitam
humana*